

مکرمات و احوال

❁ ادبی و سیاسی رساله اسبوعیه در ❁

۳۱ نجی سنه

۱۹ رجب ۱۳۳۰

❁ پنجشنبه ❁

جلد: ۱۵ - جزو: ۱۵۳

کالک ایکی مکتوبی ۱۱

برنجی مکتوب

عزت‌لو افندم

گوکلم هیچ ایستمدیکی حالده بنی یازی یازمغه مجبور ایستدیگز + بنده گز مدللیده منزوی بر آدم . توقیف اولندیغم گوندن بری نه طرف والالرندن برسلام آلمش و نه ده ذات والالرینه برسلام گوندرمش ایدم . ذات سامیلری ایسه برزماندن بری بکا مسلط اولغنی کندیکزه اکلنجه ایستدیگز . اس انقلابک ایکنجی نسخه سنده کی عباره البته خاطر نشان والالریدر . آنده بنده گزک یاییلان قانون اساسی به مجلس وکلا طرفندن اجرا ایدیلان تعدیلاتی اؤل باؤل حقوق پادشاهی به مغایر کوردیکمه دأر حضور شوکت نشور جناب شهر یاری به تقدیم ایستدیکم بر عرضخالک یالکیز اق عباره سنی آله‌رق بنده گزک مقصد حریت و مشورت علیهنده بولندیغمه دلیل کبی کوسترمش ایدیگز . بو صورت استدلال والالرنی جرح ایچون بر شی یازمغه لزوم کوردم . چونکه ایکیگزک دم حالی آثار ایله مثبت اولدقدن بشقه زیرده

[۱] ۹۳ قانون اساسی طو لایسیه اس انقلابده واقع اولان اسناداتی ردأ مدحت افندی به یازلشدرد . ۳۶ سنه صکره بو مکتوبی نشر ایدیشم کال بکی مجاهدات مشروطیت پرورانه سیله برابر مشورت علیهنده کوسترن اتهامانی تصحیح مقصدینه مبنی در .

ميان ايده جکم سوزلردن آکلاشيله جفي وجهله ذات والاگز اساس مدعا-
 گزي کندی قلمگزه جرح بيورمش ايديگيز . بو دفعه ايسه کال پاشا
 زاده سعادتلو سعيد بک افندی به دأر « سعيد بک طياق » عنوانيله قرق بش
 نومرولی ترجهان حقيقتده نشر ايتديگيز مقاله ده سعيد بک « مقابله ده دخی
 داغا ادبسنز لکله مقابله ايدر آدمير کوردیگی جهته آرتق حد معروفی
 آشهرق » بيورمشسگيز . عباره دن آکلاشیلان ادبسنز لکک ده حد معروفی
 اولورمش ؛ بوراسی ذات والالرنجه بر اعتقاد اوله رق ، بنده گز جه بحثه دگر
 شيلردن دگلسه ده شوراسنی سويلکه لزوم کوردم : معلوم عاليريدر ، که
 سعادتلو سعيد بک افندی ايله شدتلی مباحثه به کيرنلرک برنجیسی بنده گز
 ايدم . ديمک ، که بو ادبسنز لک ادبسنز لکله مقابله ايدن آدميرک پيشواسی
 اولان ادبسنز اعتقاد گز جه بنده گز اوليورم . بنده گز ايسه صاحب ادب
 اولديغنه قولايقله حکم ايده ميه جکم بر ذات لساندن ، ولو ايا ايله اولسون
 بويله بر تحقير ايشتمکه تحمل ايدر طاقدن اولمديغدن مقابله به مجبوريه حاصل
 اولدی .

اؤلا اس انقلابده بنده گزه متعلق ايراد بيوريان سوزلر او قدر
 جاهلاندر ، که ايچنه بر چوق اغراض قارشيش اولديغنی بيلديکم حلاله
 ايتاندن عاجز قاله جفم گليور . مجلس وکلاده قانون اساسی به اجرا اولنان
 تعديلات نه ایدی بيليرميسگيز ؟ حقوق پادشاهی به و تقسيمات ملکه دأر نه قدر
 بند وارسه جمله سنی لغو ايله اصلاحات امر نامه لری طرزنده و بر مقدمه
 يازهرق قانون اساسی بی صدارت نامه اعلان ايتک ایدی . بنده گز ايسه
 حريتهک ، قانون اساسينک طرفداري اولدم . و حتی بو يولده ذات والالری
 گبی آغلايه رق دگل بالعمکس گوله رک بيک بلا اختيار ايتدم . فقط ملکمزده
 بر صدر اعظم و يا مجلس وکلا پيدا اولسونده حقوق سلطنتی امحا ايتسون
 يالگيز اوزرينه بر « اراده سنيه » تعبير رسميسي علاوه ايدرک بر قانون

اساسی نشر ایلسونده صدر اعظم و یا وکلا پادشاه اولسون یوللو بر مطالعهیه هیچ بر وقت ذاهب اولدم . هله انواع مدایحله عیوقه چیقاردیفکنز ذاتک (۱) لا اقل اؤنده بش کلهسنی ترکیهیه نقل ایتدیگی و هیئت عمومیهسندن هیچ بر معنی آکلایه مدیفنی ترجمه و تقدیمیه بالذات اثبات ایلدیگی فرانسه جمهوریتک قانون اساسیسی یولنده بر شینک ممالک پادشاهیده قابلیت اجراسنی هیچ خاطر مه کتیرمدم . چونکه مسالکمه جمهور یایق افکارنده دگم . بر سلطنت - مشروطه نك اویله بر قانون اساسی ایله ادارهسی قابل دگدر .

ذات والالری فن حقوقی رادوسده سعی ذاتی ایله تحصیل بیورمش اولدیفکنزی اعتراف ایتمکه اولدیفکنزدن و بنده گز ولو اقدام و ذکاده ذات بهیرلندن نه قدر دون اولسهم خواجهسز بر فن تحصیل اولنق قابل اوله میه جفنی بیهلجک قدر ادراکه مالک اولدقدن بشقه دنیا نظرنده علوم متعارفدن معدود اولان بوقضیهی تقسمده تجربه ایله دخی ثابت کوردیکمدن فرانسه قانون اساسیسی التزام ایتدیکنز ایچون ذات سامیلرینی تعیب ایتم . امام حلیک : « و علمت انک جاهل فعدرتکا » قولی مشهوردر .

یالکنز شونی دیمک ایسترم ، که وطنک سلامتی اویله حقوق پادشاهی یی اخلال ایدمک و یا ملکمزده بر جمهورک قانون اساسیسی طوته جق شیرمه محتاج دگدر . بالعکس خلافت قوتیه بر اصول مشورت تشکیله متوقف ایدی . بنده گزده اق مقصده توفیق حرکت ایتدم . ذات والاگز جمهور یایق و یا اصول مشورتدن حقوق پادشاهی یی طرح ایتک فکرنده ایسه گز اوراسنی بیله م .

برده بنده گزی شوکتآب افندمن حریت علمنده در! دیه نظرندن اسقاط بیورمدیلر . حتی هر نه نام ایله اولورسه اولسون نظر التفات ملوکانه دن هیچ بر وقت ساقط اولدم . الآن پرورده طافت منمنانه لری م .

(۱) اوزمان مابین باش کاتبی والیوم صدراعظم بولنان سعید پاشا .



ژان ژاق روسو

(باشنه ارمنیاره مخصوص سمور قالیاق کی بهرک پارسدن
فرار ایتدیکی زمانده کی رسمیدر .)

شوافاده لرمدن آکلا شیلیر، که اس انقلابده بنده کزده متعلق نه یازلدیسه خطادر؛ دگلسه مقابله بیوریکز. مقابله بیورمدیفکیز حائده نشریاتیکزک فرض اولدیغنی کندیکز اثبات ایتش اولورسکیز.

ترجمان حقیقتک بنیدنه کلنجه: سزده بر شی صورده بم، متشرعیمسکیز دگلسکیز؟ متشرع ایسه کز معلومکیز اولوق لازم گلیر، که ضرب، شتمه قیاس قبول ایتمه چک درجهده، شدیدالعقوبه در.

اوروپا طریزیه تقلید نیتده ایسه کز، واقعا اوروپاده قوتله استحصال حق قاعده سی وار ایسه ده مدعیلر قلیچ ایله، طبانجه ایله مقابله ایدرلر؛ صویا ایله، یوموروق ایله دوکوشمز لر. الکزده بر کتاب آلکزده دوکشتمک حقنده یازیلان شیلری - معناسی آکلامغه مقتدر ایسه کز - او قویکز! اوزمان کور برسکیز که اوروپاچه سواقده دوکوشن بر آدمی کارخانه جیدن ده ناموس سز عد ایدرلر. بر شی ده سویلیهیم؛ وجدانکیزه مراجعتله دیکله بکیز. ذات والالرینه خواجه اسحق افندی کافر دیمیشیدی. بز ده نفیہ کیتمه دن اول بصیرت محرری لرده همان (تکفیر) یقین بیک درلوتشعیلر سویلیدیلر. آنلره قلمله مقابله دن بشقه بر شی یایمغه جسارت ایدم مدیکیز. حتی رادوسده توفیق بکله قوغا ایتدیکیز. اوسزده سز آکا سویلیه میه چککیز درجهده شتملر ایتدی. ینه دوکوشه مدیکیز. یالکیز او طه سندن قاجدیکیز. ۱) شمدی ناموس نامنه سعید بکه ایتدیکیز هجومک سببی نه اولیور؟ سعید بکک ضمعنی بیله رک وجود کزده کی قوته اعتماد دگی؟ ینه تکرار ایدرم وجدانکیزه مراجعت ایدیکیزده او یله سویلکیز بنده کز عبرت محرری ایکن سعید بکی بر یرده راست کتیروبده دوکه مز میدم؟ وجودمی بیلیر سکیز! عند کزده محققدر. البته دوکردم. نیچون او یله بر معامله ده بولنمده و نزهت ادب بحثده مقابله نی. طولوماجیلغه مرجح کوردیکیم ایچون دگی؟

۱) شتم فلان یوق. مسئله بر غلط تفهمن عبارت ایدی. فقط کال بونی اعضاء ایتک ایسته مش.

صانیرم، که بومسئله ده ذات والالری ده شبهه بیورمزسکز، بو جهته
اوله حکم ایدیورم، که سعبد بک افندیگ یازدینی شیلری مثلا ارکان حرب
بیگباشیسی رفعت بک وحتی سزک اوشاق مرسل یازمش اولسه ینه سوقاقده
طوتوبده دوکمه دگل، یانه اوغرامغه جسارت ایده مزدیگز.

حرکت علیهلری عادتاً برعاجز چوجوق و یا قاری دوکمک قیلندندر.
بو جهتلره قلنه کومنان بر آدمه قلله مقابله ایتمک بنده گز ایچون ادبسرک
قیلندن اولورسه سزک ایچون وجودنده ذات والالری قدر اقتدار اولیان
بر آدمی ضعفندن استفاده ایدرک دوکمک طلومباجلیق حکمنده اولور
صانیرم. حاصلی شوراسنی آکلاتیق ایستیورم. وجودندن دولای دنیاده
اک زیاده متأسف اولدیغ حقون سابقه نامنه اخطار ایدرم، که شو سعاوی
مسلمکنی براقیگز، افترا ایله، شارلاتانقله استفاده زمانی یکدی. جهلگیز
وار، باری اقتداریکز داخلنده طوریکز. وطنپرور دگلگیز، باری وطنپرور
اولانلره متصل سنک انداز تعرض اولوب طورمیگز. ادب داره سنده
طورمیه جقه سکز، طلومباجلیق ایده جکسه سکز باری ادبیه ادبسرک اسناد
ایتمیگز. خود فروشلقدن، شارلاتانلقدن، ریاکارانه مداهنلکدن دنیاده
بر فائده کورلیور. سعاوی کوزگیزک اوکنده عبرتدر. باقی ینه اراده
افندمکدر.

۱۲ آغستوس سنه ۱۲۹۴ میدیللیدن

کمال

